

Zeitschrift: Schwyzerlüt : Zyschrif für üsi schwyzerische Mundarte
Band: 1 (1939)
Heft: 1-2

Artikel: Us "Ja gäll, so geit's!"
Autor: [s.n.]
DOI: <https://doi.org/10.5169/seals-176809>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>

Us „Ja gäll, so geit's!“

... Der Chrischten isch mit dem Schlarpenegger um ne Schoppen eis worde, er soll ihm hälse trage. Si hei sech ygschellt und der Köbi d'Schtadt ustreit. Der Köbi het schier Mageweh übercho, will er geng ds Lache het müeße verha. — Der Transport isch das mal e chly gleitiger vor sech gange, vorwagen es isch jiz nume no eine vo de Treger voll gsi, und dä het doch no fövel Verschtand gha, daß er sech gseit het, si heigen e chly lang zsaaget mit dem Schtangli und das chönnti am Änd schädlech uf ds Trinkgäld ynwürke. Drum het der Chrischte brav uszoge, und der Nachtwächter het müeße luege, wien er nachechöm, göb was er het z'byschte gha. So sy si emel no bald a der Inselgäß aglanget vor em Hus, wo d'Frou Salzschrybere gwohnt het. Si hei abgschellt und der Chrischte isch ga lüte. Na mene Chehrlí isch überoben es Fänschter ufgange, und ds Gattung, wo bi der Dienerschaft z'Bärn als nes fromms Meitli isch verbrüelet gsi, het abegrüest: „Wär lütet jiz no so schpät?“ — „Chum nume cho luege“, antwortet der Chrischte, „du chasch de Gumprässe mache bis am Morge“. Ds Gattung het öppis Chrums g'ahnet und isch abe cho. Es het juscht di dreicherzigi Visitelatärnen azüntet gha, für sy Herrschaft ga z'reiche. Und mit där Prachtslatärnen isch es jiz vor d'Hustür cho. „Dy Ulti het sech der Scheiche gwirset abem Tanze“, het ihm der Chrischte vertroulech erklärt. „Eh aber nei, das wird öppe nid sy, het jiz die no müeße ga tanze? Es isch mer de no gsi, es syg öppis nid guets i der Luft, wo si furt isch dä Abe“, seit ds Gattung und schtellt sy Latärnen uf en underschte Tritt vor der Hustür und macht sech ad'Säntetür. Linggs und rächts von ihm sy die beide Treger gschtande, wie wenni e Gedé hätt angsh't gha, der Ander chönnt ihm ds Trinkgäld vor e wäg schtibige. Ds Gattung het ds Türli usta, und us dem Bärg vo Chüsseni und shawles het övvis gsühnet und gschtöhnet, aber grüehrt het sech nüt. „Eh aber, aber . . .“, meint ds Gattung und schreckt der Chops i d'Säntste. Da verwütscht's vo mene chražige Muul es härzhaft Müntschi, fahrt mit mene grüsleche Göiß z'rück und schtürchlet hindertsi übere Trottoirrand und, gäb wie der Schlarpenegger brüelet het: „Lue, lue, lue, lue, wo d'hockisch“, pürzlet's um und sitzt mit sym ganze Gwicht uf di schöni Latärne. Die het g'chrachet und alli drei Cherze sy verlöschte.